

做飛機師係唔少人嘅夢想，最近青協及捷一飛行訓練學院，合辦咗一個美國聯邦航空局(FAA)私人飛行牌照(PPL)，及商業飛行牌照(CPL)地面預備課程，教授全套飛行原理及所需知識，為學員實現飛行理想作準備。

而捷一飛行訓練學院更可安排畢業學員到美國考取美國聯邦航空局私人機師資格，呢個資格被美國及國內認可，嚟緊10年國內貨運不斷增長，對機師嘅需求愈嚟愈大，返內地做機師並唔係遙不可及嘅事。

香港課程包括飛行實戰，但完成咗地面課程後，校方可安排學員到美國考取牌照。

PROFILE
打工達人，白羊座，性格外向，天生八卦愛吹水，相識滿天下，目標做盡72行，成日搵錢搵錢搵錢，有乜好工就搵，到處在行獨料秘聞。



上course 學做飛機師

JC SHOP 請人 update 潮流產品資訊

零售業吸引唔少年輕人入行，但嫌做時裝售貨員太過單調，可考慮去精品店工作，好似專賣日本潮流玩意嘅JC SHOP，正籌備開分店，現需要聘請約10個員工，包括店鋪經理、高級售貨員、助理售貨員。

人事部主任Daisy話助理售貨員入職條件好簡單，「我哋賣日本玩具精品及手機配件等，如果應徵者精通晒所有日本潮流貨品固然好，但本身自己有玩開或留意開其中一樣都可以，好似iPhone配件、AV貨品等，起薪\$8,500，做滿3個月過試用期，仲會有\$3,000新人獎金。表現好仲有得晉升，有個員工做咗3年就升到做主任，到時人工有\$14,000，另有佣金。」嚟呢度工作最大好處，係可以keep住update自己最新潮流資訊，啱啱追求潮流知識嘅年輕人。



Jessica
職位：售貨助理員
年資：4個月

呢度比以前做時裝sales有趣得多，公司會提供培訓，訓練口才同日本潮流動向，有好多內地同外國客嚟幫襯，令我嘅普通話同英文都好咗好多，最重要係放膽講。

捷一飛行訓練學院負責人余志峰表示：「呢個係FAA地面課程，按照『聯邦航空條例(FAR) 61.105部分——航空學知識』，以及深入探討航空數據及相關機械知識，每個美國機師都考過，完成後如學員想考飛行牌，我哋會協助學員去美國考試及進行飛行訓練。」

雖然香港航空公司多以歐洲制(JAA)為主，但FAA嘅飛行牌除美國外，仲獲國內認可，「將來需求最大嘅市場一定係中國，香港人考獲FAA資格最大優勢係英文能力好，我哋亦會提供工作轉介，目前內地飛機師起薪點約3萬港元。」

未來貨運不斷增長，而低空飛行開放，對機師需求愈嚟愈大，造就好多入行機會。除咗做機師，另一個出路就係成為高級地面教官(AGI)，「因我哋嘅學院喺國內開設咗5間分校，未來亦會不斷拓展，對教官都有需求，如有適合嘅學員，都會考慮聘請。」

飛機師課程：

課程	機構	學費	入讀資格	內容	課時
美國聯邦航空局(FAA)私人飛行牌照(PPL)及商業飛行牌照(CPL)地面預備課程 (clc.hkfyg.org.hk)	青協持續進修中心	\$13,950	年滿18歲，中五畢業。	教授飛行基礎知識，包括飛機系統、空氣動力學；飛行操作，包括通訊和飛行；介紹機場、講解航空氣象、飛機性能及導航等。	14堂，共42小時。
澳洲私人飛機駕駛牌照理論證書 (hkuspace.hku.hk/programme)	香港公開大學	\$11,400	年滿18歲，中五畢業，英文合格。	與Hong Kong Flight Training Centre合辦，完成香港課程後，可自費到澳洲進行飛行實戰課程。此課程嘅私人飛機駕駛牌照由the Civil Aviation Safety Authority (CASA) of the Australian Government簽發。	分4個單元，每個單元約12堂，30小時。

捷一飛行訓練學院 亞太區總裁 余志峰



呢個係地面課程，完成後學員可自費(約1.2萬美元起)，到美國進行飛行實戰，最快半年可完成，考取牌照，係入行做機師嘅捷徑。



學員 Leroy

本身為興趣報讀，覺得好實用，而且課程幫到學員去考牌，我計劃10月去美國完成埋飛行實戰嘅課程兼考埋牌，打算入行。

青協課程 負責人 Sophia



目前報名嘅學員，為興趣及想入行嘅各佔一半，如果學員係美國考埋機師牌，仲會介紹工作畀佢哋。

80後打工千奇百趣

最近打工達人同班老友飯聚吹開水，大家分享80後員工打工趣事，綜合真係可以拍個千奇百趣特輯。見工放飛機已經唔係咩新聞，任職市場部主管嘅Dora話，有個啱啱畢業嘅大學生帶埋阿媽嚟見工，「阿媽話怕阿仔俾人哂，嚟睇吓公司咩料，仲問可唔可以一齊in，真係吹脹！」

另一位喺銀行任職部門主任嘅Peter話：「最近部門請咗幾個新仔，有個女仔第一日返工，食完lunch後玩失蹤，打男佢先知份工唔啱佢唔想做，唔做都唔單聲！另外有個男仔教極佢唔話唔明，我勝勝咁同佢講唔明就寫低啦，點知佢話：『我寫低都唔明喇！』，真係俾佢激死！我有日叫佢做咗份急件先，要中午前搞掂，點知佢食完lunch返嚟都未開始，真係唔知點教佢做嘢好？」打工達人覺得，啱家年輕人工作能力絕對唔差，只係冇乜責任感，只要肯投入工作，老闆點會唔buy你呢？



人事部主任 Daisy

公司產品多元化，有AV電子產品、玩具、美容用品，好多年輕人都感興趣，只要求職者自己有玩開或熟悉一兩個範疇，獲聘嘅機會好大；至於經理至少要有5年管理店鋪嘅經驗。

機構：JC SHOP
職位空缺：店鋪經理、高級售貨員、售貨助理員等約十個
入職要求：售貨助理員中五程度、有責任感、喜歡日本潮流玩意
人工：\$8,500起，另新人獎金\$3,000。
申請查詢：電郵履歷表至hr.retail@jcshop.com.hk或致電2549 0667(黃小姐洽)